

1 PÉÉDORO

Tujkénú Péédoro cáátúnuháámì

Duurúvaju

¹ Oo Péédoro Jetsocríjtóo úwááboobéré o péhíjcyáíñé wákimyéivu oke pícyoobe íñe íhyaami ámuha éllevu ó caatúnú dííbyékée ámuha mecáhcújtsóné déjúcotu méiíñújitu ámúhake dítye wáchájánúme éllevu, Póotoó, Garáátsiaa, Capadóotsiaa, Áátsiaa, Bitííniaa, éhdúné íñújínneri ámuha meíjcyáme éllevu. ² Muuráhjáa ihdyu tsúúcajátújuco Méécááni Píívyéébe ámúhake íñéhdújuco újcune dííbyeéjté ámuha meíjcyaki. Aane muurá Ípííchoj tééveri ámúhake píáábohíjcyaaabe Jetsóope mewájuryi ítyujpácýó wáágóónej tééveri ámuha meímíjpyeténe díbye ímillédú meíjcyaki. Aabe ihdyu óvíi ámúhake panévatu píaabó íbúwajíí íñnerí íjtsámeítyúmé ámuha meíjcyaki.

Ímí méúmwá nééneé

³ Muuráhjáa mítyane meke íídaatsólléne béhnétu meke tsíímávaabe Jetsocríjtóo ídsíjívéne tsiíñe bóhíínej tééveri. Áánéllíi íñné imíjyaú méúmwá íjcyane méítsohíjcyáhi. Ahdícyane ihdyu metsu Jetsocríjtój Caani Píívyéébeke me dúúrúváne metéhdújtsoki. ⁴ Muurá íjcyáné níjkyéjiri ítsíime meíjcyámé wáabyuta mújyú muhdú íjcyáityúné díbye pícyoone meke téhmene. ⁵ Ímí dííbyeke mecáhcújtsónéllíi íhnháhoori meke píáábohíjcyaaabe

nihñéétsihvuré téhullévú meúújetécooca teene meújcuki.

⁶ Áánéllii múu íllure imíjyúú dííbyeke ámuha mecáhcujsómé ámuha meícúbáhrámeiyónááaca.

⁷ Muurá téeneri meke waajácúlleebe ímiáané dííbyeke mecáhcujsóhajchíí éhne múúne óoro cúújúwari ditye wáajácullédu. Muurá teene óoro meke píáábóné ehniíñevu Píívyéébeke mecáhcujsóné meke píaabóné tsá múijyú méema níjkéváityúne. Áánéllii dííbyeke ámuha mecáhcujsómé íinetú menéétsámeityúhajchíí íiné imíjyaú ámúhake ávyéjújtsóiibye dúúruvaabéré tsiíne Jetsocríjto tsáácoóca.

⁸ Muurá Jetsocríjtoke ámuha maájtyúmítúróóbeke méwájyúúbedívú ámuha mecátsípáávéne méimíjyúúhíí. ⁹ Áábeke ámuha mecáhcujsónéllii tsúúca ámuha mépájtyetéhi.

¹⁰ Muuráhjáa éíjyuúvú Píívyéébé ihjyú uubáalle múnaa ihjyúvájúcoorá muhdú díbye meke íídaatsólléne pájtyetétsóíñeri. Ároméhjáa tsá pahdu wáajácutú muhdú tene íjcyaiñe. ¹¹ Áánélliihyéhjáa díllócatsíhijcyámé caabyé Críjto íjcyaaabe múijyú muhdú ícúbáhrámeíñe ávyéjuutéiñe Píívyéébé Apííchó diityéké néhijcyáne. ¹² Áánélliihyéhjáa Píívyéébe diityéké waajácutsó ditye íjcyáijyúí tene pájtyéityúne, bóónétúí tene pájtyeíñe. Áánée muurá tsúúca ámúhake tsaate úúballé muhdú mépájtyetéiñe Píívyéébé Apííchó níjkyéjitu tsááne píáábónej téeveri. Aane muurá idyé níjkyéji múnaa

téhdure imíllerá páñetu iwáájácúiyóné muhdú mepájtyetéíñe.

Imiááméré meíjcyáiyóne

¹³ Aane ímiááméré meíjcyáne métsúúraméi tsiíñe Jetsocrijtó tsácooca Píívyéébe ámuhákye íídaatsólléne ájcúíñeri. ¹⁴ Aame tsúúca Píívyéébej tsíímé ámuha meíjcyame múu dibye ímillédú ijcyáhi. Tsá múu dííbyekée ámuha mewáájácútúcooca ímítyúnéhjiri meúmúúpívyehíjcyádú néjúcootúne. ¹⁵ Muurá meke újcuube ímiááméré meíjcyaki. Áánéllii múu ímiáámé ijcyá dibye íjcyadu. ¹⁶ Muurá dííbyé waajácúháámitu nééneé: “Ímiáámé meíjcyá ímiáábé o íjcyadu.”

¹⁷ Aane dííbyeke ámuha mecáánívahíjcyámé múu ííñújiri ámuha meíjcyané hajchótá dibye ímillédú ijcyáhi. Muurá tsahtúré mééma ímíbájchóiibye muhdú meícyahíjcyané téene áhdovu meke íajcuki. ¹⁸ Muurá ámuha méwaaajácú mepée mepájtyetéítyúrojító méíhdé múnááuvú úráávyehíjcyánetu meke dibye pájtyetétsóne. Árónáacáa ihdyu tsá meke dibye pájtyetétsotú dsíídsídívú íáhdóneri. ¹⁹ Muuráhjáa ihdyu mééma áhdoobe mítyane iwájyuube Crijtó tujpácýó wágóóóvéneri éhne múúne obééjáwu imíwu néébeke míamúnáá imítyuháñé hallúvú ditye dsíjívetsódu. ²⁰ Píívyéébéhjáa ihdyu tsúúcajátújuco dííbyeke mémenúné ííñuji ípívyéjtsótúné íhdéjuco dibye mewáajyuri ídsíjíveki. Ahdújucóhjáa dibye tsáane meke ípíááboki. ²¹ Áánéllii dííbyej tééveri Píívyéébeke mecáhcujsómé dííbyedívú

mécátsípáávehíjcyá díbyéé dsíjívéébeke íbóhíítsóne ávyéjuutétsónéllíihye. Aame méwajácú dííbyema meíjcyame íínerí mebánúmeítyúne.

²² Ahdícycane tsúuca Píívyéébé Apííchó ámuhákye píáábónej tééveri ímíáájú ámuha mecáhcujsómé óví ámuha méwajyújcatsí ámuhá ííbúuri. ²³ Muurá Píívyéébeke mecáhcujsómé tsíhdyuréjuco meíjcyane. Tsáhájuco meúraávyetú méécáánímúu meke tsíímávátsihdyu meíjcyajíjtó íllure níjkévájíjtó. Áánetu ihdyu Píívyéébé ihjyu mecáhcujsóné tsá múíjyú níjkéváityúne. ²⁴⁻²⁵ Muurá dííbyé wajácúháámitu nééneé:

Pámeere míamúnaa wahájchotaré íjcyá tsójcómují íjcyadu. Téhdure íjcyámé wahájchotaré ííne ímíjyaú wajco íjcyadu. Áánetu ihdyu Píívyéébé tsá múíjyú níjkéváityúne.

Ááné uwááboju ímíáájú muurá tsúuca ámuhákye úwáábómeíhi.

2

¹ Ahdícycane óvíjyacóóné ímityúné ámuha meméénuhíjcyáne. Tsá múu állíuutúne. Tsá múu pánehíjídú ímíáámé íjcyatúne. Tsá múu nómíutáávatúne. Tsá múu ímityúné íhjúvatú tsíjtyedítyu. ² Ímíá uwááaboríyé métsúúraméí éhne múúne tsíímene ñohñórí íjyácunúdu. Ááne téené uwáábó ímíñeúvú méúraávyé ámuha mepájtyeteki. ³ Aane óví ehdu méíjcyá Jetsocríjtó ímíáábé meke wájyune tsúuca mewáájacúme.

Críjto páñétúejpi

4 Aame ihdyu ímíñeúvú meíjcyá dííbyema nééwayúdú néébe meke bohíívú ájcúúbema. Muuráhjáa dííbyeke míamúnaa éhdi÷válléróóbeke Píívyéébe picyóó ávyeta íhtsútuube pañétúejpi dibye ijcyaki. ⁵ Ahdu óvíi meke téhdure nééwayúdú menéemeke pícyoobe ihjyádú meíjcyaki. Téhdure óvíi meke llúúvájtedívú pícyoobe dibye ímillédú meíjcyame dííbyeke meíícuvémé ímí dííbyema meíjcyá Jetsocrijtoj tééveri. ⁶ Muurá dííbyé waajácúháámitu nééneé:

Tsióó cóómi múnáá pañévú ó pícyoó ávyeta wájyúmeíbyeke éhne ímichi tééutu jaa éjkeu nééwayúdú néébeke. Áábeke cáhcujtsómé tsá ñnerí bañúmeítyúne.

Ehdu nééne Píívyéébé waajácúháámitu.

⁷ Aane dííbyeke cáhcujtsómé dííbyeke wájyúhi. Áánetu dííbyeke cáhcújtsotúmé tsá wájyutú Píívyéébé waajácuháámitu íllu tene néhdújuco: Tsaúpe nééwayu jááháñé wákimyéi múnáa íñéhnílléne waagóórou pícyámeí ímichi tééutu jaa éjkéiu.

⁸ Téhdure tsiíñe nééneé:

Dííbye muurá éhne múúne nééwáyutu ávyé mecábóhcámeímyé maáákityéúdú néébeé.

Ahdújuco muurá dííbyé uwááboju ímí cáhcújtsotúmé mújtámeke tene pájtyene.

Píívyéébeéjte

⁹ Áronáa ihdyu tsá ámuha ehdu menéétune. Muuráhjáa ihdyu Píívyéébere ámúhakyé iújcúmeke picyóó llúúvájtedívú dííbyé wákiméi ámuha ímiááméré meíjcyáne meméénu dííbyeke

dúúrúvamére. Aane imílleebe míamúnáake ámuha meúúballéné muhdú díbye ámuúhake ímityúnetu ímiánejcúvú íjchívyetsóne. ¹⁰ Muuráhjáa ihde ámuha ihdícyaméreí meíjcyame tsá dííbyé piáábójú pañe meíjcyatúne. Áronáa ícyooca tsúúca dííbyeéjté ámuha meíjcyame téené pañe meíjcyáhi.

Píívyéébekéré meííjúvéiyóne

¹¹ Ahdícyane tsá ííñújéjte ámuha meíjcyájúcootúne, ámuúha táñahbému. Muurá ihdyu Píívyéébé avyéjújeteréjuco ámuúha. Áánéllii ámuúhake o néé meke tútávájtsóiyónéhjiri ámuha meúmúúpívyétuki. ¹² Ímiááméré meíjcyá Píívyéébeke wáájácutúme ímityúné ámuúhadítú íhjúvvarónáa ímí ámuha meíjcyané hallúvú dííbyeke dítye íávyéjútso tsiíñe Jetsóó tsáácooca.

¹³⁻¹⁴ Téhdure múu avyéjuullé pañétúejpi méiíñújí avyéjúúbeke pahúllavaré dííbyé piáábo múnaa íjcyámemájuco. Muurá Píívyéébere diityéké pícyóó dítye ímityúmeke íúwááboki, áánetu ímiáámeke dítye ípiááboki. ¹⁵ Muurá imílleebe ímiááméré meíjcyane ténejcu wáájácutúme ímiáájú meúráávyénetu ímityúné íhjúvátuki.

¹⁶ Áánéllii ímiááméré meíjcyá tsúúca ímityúnetu ámuha meíjchivyéme. Aame ihdyu ímityúné mémeenújúcohdí tsúúca Píívyéébé hójtsí pañeréjuco ámuha meíjcyame. ¹⁷ Aame múu dííbyeke íllíñe díbye ímillédú íjcyame pámévakéré avyéjuullé méiíñújí avyéjúúbemájuco. Téhdure múu pámeere Píívyéébeéjtema wájújcatsíhi.

Muhdú ícúbáhraméí maáábucúne

18 Áhdure múu tsaaté hójtsí pañe íjcyame diityéké iávyejúúlléne meenú ditye táuhbáne. Tsá múu ímiáámemáyé ímí íjcyatúne. Ímityúmé íjcyarómema múu ímiáámé íjcyáhi. 19-20 Muurá ihdyu Píívyéébe ímillédú meíjcyáné hallútú meke ditye ícúbahráné maáábúcúhajchíí ímí meke íjtsúcunúúbe. Áánetu ímityúné meméénúné hallútú meke ditye ícúbahráné maáábúcúrónáa ¿aca meke ímí íjtsúcunúúbe? Tsáhaá. 21 Muuráhjáa Píívyéébe meke ujcú Críjto mewájjyuri ícúbáhrámeííbyé ímiáábé íjcyadu meíjcyaki. 22 Tsáháa muurá dibye múíjjyú ímityúné méénutúne. Áhdurée tsá muucá dibye állityúne. 23 Muuráhjáa dííbyedítýú ímityúné íhjúvárómeke tsá dibye píámeíhíjcyatúne. Áhdurée dííbyeke ícúbáhrárómeke tsá dibye méénúllehíjcyatúne. Íllurée íhvéjtsámeííbyé Píívyéébedívú dibye teene diityémá ímíbájcho muhdú tene íjcyadújuco. 24 Aabée muurá Críjto dsíjjivé páwachékevu mépée medsíjjivéiyóné tsúúcajáa méimítýú déjuco dsíjjívmédú meíjcyarómé meímíbaávyeki. Ehdúu mewájjyuri dibye ícúbáhrámeíínej tééveri méimíbaavyéhi. 25 Muuráhjáa éíjyu ídátsó méícyahíjcyá Píívyéébeke wáájácutúmé éhne múúne obééjámú mújtame íjcyadu. Árónáa ícyooca tsúúca métehméébé Críjtoma meíjcyáhi.

3

Muhdú métaábama meíjcyane

1 Ámuúha walléemuj, ámuhá tajímuke máavyéjuúlle. Tsaímíyé meíjcyá diityémá Críjtó uwááboju tsaate cáhcújtsóturómé ímí ámuha meíjcyane ííténe botsíi icyáhcutso ìná diityéké ámuha menéétúrónááca. 2 Muurá ímiááméré ámuha meíjcyane ííténe imílléiyómé téhdure Píívyéébeke iúraavyéne. 3 Tsá múu ávyeta íimíbájkímyeíyóneri íjyácunútúne. Téhdure tsá múu íjyácunútú íhñíwaco idyóíhdsínúmeíñe tsaímíyé ipíhdámeíyóneri, mítyane áhdómeíñe icyááveháñevu íicyáávéiyóneri, ímiá wajyámuunévú iújcámeíyóneri. 4 Apááñeríyé múu íjyácunú tsaííbuwáaré íjcyáíyóneri. Ehdu ihdyu íjcyámeke Píívyéébe ímí íjtsúcunúhi. 5 Tehdúhjáa muurá éjyuúvú íjcyané walléemú Píívyéébedívú íihvéjtsámeíñe dibye ímillédú ícyahíjcyáhi. Aaméhjáa ájyúmuke avyéjúúllehíjcyáhi. 6 Tsáaráuvúhjáa muurá ájyu Aavarááuvuke icyáhcutsóne avyéjúúllehíjcyáhi. Aane dillée íjcyadu ámuha ímiááméré ámuhá tajímuma meíjcyáhajchíí tsá ámuha íínerí meíllityéityúne.

7 Áhdure ámuha wajpíímú ámuhá táábámuma ímíñeúvú meíjcyá. Tsá múu diityédí ícúbáhratúne. Múu íjtsámeí diityéké íavyejúúlléne muhdú ipíáábóíñeri ámuhá tsíjpá tujkévevu ditye íjcyátúnéllííhye. Muuráhjáa Píívyéébe wajpii, wallee, picyóó dityétsí ipíáábójcatsíñe ímí íjcyaki. Aane ehdu ámuha meíjcyáhajchíí Píívyéébema ámuha meíhjuvácoca tsá ìná ámuhákye pátsáíjcyóityúne.

Ímiáané hallútú meícúbáhrámeíñe

⁸ Ahdícyane ihdyu pámeere tsaímíyé meíjcyá pamévamáye. Tsá múu pájúvatúne. Meídaatsólléjcatsíñe méwajyújcatsi tsané nahbémú múúne wájyújcatsídyú mítyájkímyeítyúmére. ⁹ Tsá múu piámeítyú ámúhakye ímityúné méénúmeke. Téhdure ámúhakye úhbámeke tsá múu úhbatúne. Íllure diityé hallúvú piáábó métáuméí Píívyéébeke. Ehdu díbye ímillédú ámuha meíjcyáhajchíí ámúhakye piáábóíbye. ¹⁰⁻¹² Muurá dííbye waajácúháámitu nééneé:

Ímí íjcyane ímillémé tsá ímityúné íhgyúvatúne. Áhdure tsá ditye állíuutúne. Muurá ímityúné imyéénuhíjcyánetu íhveténe ímiááneréjuco ditye méénune. Aame ijcyá tsaímíyé pamévamáye. Muurá Píívyéébe ímiáámeke piabóhi. Aabe dííbyeke ditye táúmeíñe lleebóhi. Áánetu ímityúmedi tsá díbye íícúvetúne.

Ehdu nééne Píívyéébé waajácuháámitu.

¹³ Aane ehdu ímiááméré ámuha meíjcyáhajchíí ¿aca íñe hallútú múha ámúhakye ímityúné méénúiyáhi? ¹⁴ Muurá ehdu ímí ámuha meíjcyané hallútú meícúbáhrámeíhajchíí maímijyu ámuha meíjcyanej. Ahdícyane tsáma íñerí maáábímyeídíñe. Muurá Píívyéébe ámúhakye piabóhi. ¹⁵ Múu Máavyéjuube Críjtodívú icyátsípáávéne íjcyátsíiivyé ámúhakye díllómeke ámuha mewáájácútsó íveekí dííbyedi ámuha meíjyácunúhijcyáne. Árónáa ihdyu múu ímíñeúvú chooco úúballé

mítýájkímyeítýúméré. ¹⁶ Aame téibúwá meíjcyá Críjtoke ámuha meúráávyénetu tsaate ímityúné íihjyúváneeri íñúcójpíveki.

¹⁷ Aane ihdyu óvi meícúbáhrámeí ímiáánéré meméénúné hallútú Píívyéébe ímílléhajchííjyu. Muurá tééné hallútú meícúbáhrámeíñe maáábúcúhajchíí ímí meke íjtsúcunúúbe. Áánetu ímityúné meméénúné hallútú meícúbáhrámeíñe maáábúcúrónáa tsá dibye meke ímí íjtsúcunútúne.

¹⁸ Muuráhjáa Críjto múijyú ímityúné méénútúroobe ícúbáhrámeí méimítýú hallúvu. Aabée tsáijyuré dsíjívé méhllí pámeere ímityúmé meíjcyáme wájyuri téenej téeveri meímíbaávyéne ímí Píívyéébema meíjcyaki. Aabée dsíjívérónáa ííbuu íbóhí íjcyáhi.

¹⁹ Aanéhjáa péé éjyuuúvu dsíjívémé íbuúúné íjcyátsihvu diityéké íúwááboki. ²⁰ Muuráhjáa éjyuuúvu Noéé míínécoba méénuhíjcyánáa Píívyéébe

téhmehíjcyará míamúnaa dííbyeke icyáhcuíjtsóne téémí pañévú íúcaáve ípájtyetéki. Árónáacáhjáa apáámyéré 8-meva pájtyeté pámeere ííñuji cáájáváneeri májcanúnetu. Áámeúvú íbuúúnéhjáa íjcyátsihvu Jetsóó ííbuu péé diityéké íúwááboki.

²¹ Aanéhjáa téijyu nújpácyotu ditye pájtyeténe naavénú íñe ícyooa metsójtsótsámeímyé mepájtyetéíñe. Aane tsá metsójtsómeítýú méjpi ííñú íñityááveki. Muurá ihdyu tééneri méúújtsó Píívyéébedívú mecátsípáávéébeke metáúmeíñe dibye meke íímíbjchoki. Aane ihdyu meke ímíbjchoobe Jetsocríjtóo dsíjíveebe tsiíñe bóhííbej téeveri. ²² Diibye muurá ícyooa íhtsútuubéréjuco

níjkyéjiri Cááni Píívyéébé úníuri Íjcyáábeke pámeere
níjkyéji múnáama naavémú avyéjuulléhi.

4

Muhdú Píívyéébeke méí#cuvéne

1 Aanée muurá Críjto ííñújiri íjcyácooca
ícúbáhrámeí mewájuryi. Áánéllii metsu
meícúbáhrámeiyóné maáábúcu dibyée áábucúdu.
Muurá meícúbáhrámeiyóné maáábucúmé tsá
ímityúné meméénújúcootúne. 2 Aame tsáhájucó
meúmúúpívyetú ímityúné meméénúiyóneri.
Píívyéébe ímillédú meíjcyáiyóneriyéjuco
metsúúrámeíñe. 3 Ahdícyane óvíjyacóóné
Píívyéébeke wáájácutúmé Íjcyadu ímityúné
ámuha meméénuhíjcyáne. Muuráhjáa
ímítýúneri ámuha meúmúúpívyehíjcyáhi, ámuháa
ménahtsívátéhíjcyáhi, ámuháa mewáñehjívaténé
pañe méllíyíícyávehíjcyáhi, níjcyotájtekée ámuha
méduurúvahíjcyá ámuha meméénúityuróne. Ánehji
óvíjyacóóne. 4 Muurá ténehji ámuha meíhvéjtsóneri
ámúhake náhbévahíjcyámé tééneriyé íjcyame íllure
ámúhadi uuhívatéhíjcyáhi. 5 Árómemma Píívyéébe
muhdú ditye ícyahíjcyáné ímíbájchoóhi. Muurá
pámeere dsíjívétúmema ímíbájchóiibye tsúúca
dsíjívéjúcóóróméhjimájucó. 6 Téénéllihyéhjáa
muurá éjyú múnáaúvuke téhdure úwáábómeíñé
diityé íbuúúné íbóhí ímí íjcyá Píívyéébe Íjcyadu.

7 Muurá tsúúca ííñují mééma níjkévaríjyucó.
Áánéllii ímiááméré meíjcyáne paíjyuvaré
Píívyéébema méihjyúvahíjcyá. 8 Aame múu

wajyújcatsíhi. Muurá tsíjtyeke mewáiyume ímityúné meke méénúrómeke mepíámeíyóneri tsá meíjyácunútúne. ⁹ Ahdícyane múu ímíñeúvú waatsúcújcatsí ámuha maááhívéjcatsícyooca ìná íjtsámeítyúmére. ¹⁰ Mépíáábojcatsí muhdú ámuha mepíívyetédú Píívyéébe meke ájcúné píáábori bañúháñé dibye meke ipíáábótuki. ¹¹ Áánéllii ámuha meúwáábócooca ímíñeúvú meúwáábohíjcyá dííbyé ihjyu néhdújuco ámúhaj tééveri dibye íihjyúvaki. Áhdure ámuha tsíjtyeke mepíáábócooca ímíñeúvú mépíáábó muhdú dibye ámúhakeyékévejsódu. Aane páneere ìná ámuha meméénune múu ímíñeúvú meenú dííbyeke ámuha Jetsocríjtoj tééveri maávyéjutsóne. Áábedívú ihdyu metsu meíhvéjtsámeíñe dííbyeke maávyéjútso múijyú níjkeváityúne. Ehdu teéne.

Críjtoéjté ícúbáhrámeíñe

¹² Ámuúha táñahbému, tsá múu mávaríjchojúúné ámúhama íjcyánetu íjtsámeítyú tene ámúhama íjcyáítyuróne. ¹³ Íllure múu imíjyúú Críjtóo ícúbáhrámeídyú ámuha meíicúbáhrámeíñeri tsiíñe íavyéjuma dibye tsáácooca ámuha meímíjyúúveki. ¹⁴ Áánéllii dííbyeéjté ámuha meíjcyáné hallútú ámúhakeyéké tsaate úhbáhajchíí múu imíjyúú Píívyéébé Apííchó ámúhá pañe íjcyánéllííhye. ¹⁵ Árónáa ihdyu núcójpítsóhreyó teene ímityúné ámuha tsíjtye éhné menániñee, tsaatéké ámuha medsíjívetsónee, tsíjtyé ihjyú pañevú ámuha meúcaavénee, éhdúné hallútú ámuha meíicúbáhrámeíñe. ¹⁶ Áánetu ihdyu

Críjtoéjité meíjcyáné hallútú meícúbáhrámeíñé tsá núcojpitsoúne. Íllure Píívyéébeke téené hallúvú dúúrúvaméré météhdujtsó dííbyeéjité meíjcyánéllííhye.

¹⁷⁻¹⁸ Muurá tsúúca muhdú meícyahíjcyáné dibye mééma ímíbájchóíñe éévé úújéteéhi. Aane méhdityu tujkénúíbye ihñéjité meíjcyámedityu. Aabéjii awáá ¿muhdíívanéami íhya tsáma ímíbájchooi eene dííbyé uwááboju cáhcújtsótúmema, ímíáámé íjcyarómé íhtsútúnetu pájtyetéíñáaáca? ¹⁹ Ahdícyane dííbyedívú meíhvéjtsámeíñe dibye ímillédú meíjcyá ámuha meícúbáhrámeíyónáaáca. Muurá meke ípívyéjtssoobe íñéhdújuco méénune.

5

Cahcújtso múnáá túkevjtsoju

¹ Téhdure ó ímillé cahcújtso múnáá túkevjtsojtéké o úwaabóné téhdure túkevjtsoobe o íjcyabe muhdúhjáa Críjto ícúbáhrámeíñé o ájtyúmiíbe. Aabe téhdure ó íjcyá dííbyé avyéjuri tsiíñe dibye tsáácooca. ² Áánéllíí ámúhakyé o nées ímíñeúvú ámuha metúkévjtso Píívyéébeéjité ámúhá hójtsí pañe íjcyámeke. Tsá múu dibyéé ámúhakyé níwáávéne íjyeveríyé téené wákimyéí méénutúne. Áhdure tsá múu téené hallúvú ámuha medsídsívakíyé méénutúne. Múu ímíñeúvú meenú Píívyéébe ímillédu. ³⁻⁴ Tsá múu tsíjpanécoba díityéké úwáábotúne. Choocóré múu úwaabó pañétúejpi Métehméébé tsáácooca ámuha maávyéjuuté dííbyema múijyú níjkéváityúne.

5 Téh dure ováhtsámú máavyéjuulle á múhá túkevjtsojíteke. Panéjcuávú máavyéjúúllejcaťsí mityájkímyeityúmére. Muurá Píivyéébe waajácúháámitu nééneé:

Píivyéébe píaabó idáátsóméhjiúvú néémeke. Áánetu ‘mityáhmityá’ néémedi tsá dibye íícúvetúne.

6 Áánéllí mityájkímyeityúméré méíhvéjtsaméí íhtsútuube Píivyéébedívú díbyere á múhakye ityúkévjtsoki. Áijyu muurá á múhakye ávyéjújtsóiibye dibye meke ávyéjújtsóíñe éévé úújetéijyu. 7 Áánéllí íínerí áábímyeityúméré díbyedívú mécáťsipááve. Muurá imíleebe meke ípíaabóne.

8 Árónáa ihdyu téííbúwá meíjcyá Naavéné á múhakye imújtáťsótuki. Muurá mémunáajpi íjcyabe meke imújtáťsóíyóneri íjyáćunú éhne múúne bájú oohíbyé iyámeke idyóóíyóneri íjyáćunúdu.

9 Áróóbeke ihdyu metáhjá Píivyéébeke á muha mecáhcújťsónej tééveri. Muurá méwaajácú pahúllevaré ííńújiri ménahbémú téhdure ténéhjiri íćúbáhrámeíhijcyáne.

10 Árónáa ícyooca wahájchotaré meíćúbáhrámeíñe níjćáutu Mépiivyéébe meke ávyéjuutéťsoó múijyú níjkéváityúné Jetsocíjtoj tééveri. Aabe muurá mewájjyuri meke ímíbajchó íhtsutúmé meíjcyame íínevú metáhjáťsámeityuki. 11 Áánéllí ihdyu metsu íhtsútuube íjcyáábeke maávyéjújťso paíjjyuvaré múijyú níjkéváityúne. Ehdu teéne.

Nihñéénéré pityájcoju

¹² Aane íñe íhyaami o cáátúnuháámí ámuha éllevu ó wallóo ménahbe Píívyéébeke ímí úráávyebe Tsi-báánoma. Áhaamí pañe ámuhakye ó ítsáávetsó ímiááné ímí Píívyéébe ámuhakye píáábohíjcyáne. Áánéllii múu tsaímíyé dííbyema ijcyáhi.

¹³ Ámuhakye Babiróóniá cóómiyi íjcyáne cahcújtso múnaa duurúvá ámuhakýeé íújcuđu téhdure Píívyéébe diityéké újcume. Téhdure tájtsiménédú néébe Mááco ámuhakye duurúváhi.

¹⁴ Téhdure ámuhakye táicyánéjcutu o néé ámuha Críjtoéjté tsané nahbémú meijcyame medúúrúvájcatsíki. Ahdícyane óví íbúwajjí ámuha méijcyáhi. Ayu tehdújuco.

Píívyéébé ihju: jetsocríjyodítyú cáátúnuháámi
New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022
6f878dbd-e896-5e27-b788-1442926dfc48